



ხელვაჩაურის რაიონული სასამართლო

№ 1-432/23

10.01.2024 წელი ქ. ბათუმი

სახელმწიფო ქონების ეროვნულ სააგენტოს

თბილისი, ჭავჭავაძის გამზ. N49ა

აღსასრულებლად გეგზავნებთ, ხელვაჩაურის რაიონული სასამართლოს 2023 წლის 22 დეკემბრის განაჩენის და განაჩენის აღსასრულებლად მიქცევის შესახებ განკარგულების ასლები ვაჟა ქამადაძის მიმართ.

დანართი: „ „ ფურცლად.

მადონა თებიძე

მოსამართლის თანაშემწე

სსმ სახელმწიფო ქონების ეროვნულ სააგენტო
შემოსვლის № 65.915 108
24 05 2024
145



განაჩენი
საქართველოს სახელით

22 დეკემბერი, 2023 წელი

ქ. ბათუმი

ხელვაჩაურის რაიონული სასამართლო
მოსამართლე გოჩა ფუტყარაძე
სხდომის მდივანი ინდირა თურმანიძე

ბრალდების მხარე - პროკურორი ბუბა შავერდოვი
დაცვის მხარე - ადვოკატი ლია მაირურაძე

ბრალდებული: ვაჟა ქამადაძე
მამის სახელი: ომერი
დაბადებული: 12.08.1971 წელი
დაბადების ადგილი: საქართველო
პირადი ნომერი: 61009000219
მოქალაქეობა: საქართველო
განათლება: საშუალო
მცხოვრები: ხულოს რაიონი, სოფელი გუდასახო.

კვალიფიკაცია: საქართველოს სსკ-ის 303-ე მუხლის პირველი ნაწილი;

ღია სასამართლო სხდომაზე განიხილა სისხლის სამართლის საქმე №176111223002.

განსახილველი საკითხი: ხელვაჩაურის რაიონული პროკურატურის პროკურორის ბუბა შავერდოვის შუამდგომლობა ბრალდებულ ვაჟა ქამადაძის მიმართ, სასამართლოს მიერ საქმის არსებითი განხილვის გარეშე განაჩენის გამოტანის თაობაზე.

აღწერილობით - სამოტივაციო ნაწილი:

1. ბრალდების არსი:

ვაჟა ქამადაძეს ბრალი ედება მასში, რომ მან ჩაიდინა ხე-ბუჩქნარის უკანონოდ გაჩეხვა, რამაც გამოიწვია მნიშვნელოვანი ზიანი.

2. ვაჟა ქამადაძის მიერ ჩადენილი ქმედება გამოიხატა შემდეგში:

მან, 2023 წლის ნოემბერში ხულოს სატყეო ადმინისტრაციის სატყეოს ღორჯომის №2 სამცველოს, კვარტალ №40-ში, უკანონოდ გაჩეხა სამი ძირი სოჭის ჯიშის სახეობის პირველი ხარისხის ხე-ტყე, საერთო მოცულობით 9,97 კუბმეტრი მოცულობის ხე-ტყე, რამაც ხულოს სატყეო ადმინისტრაციას 1535,38 ლარის მნიშვნელოვანი ზიანი მიაყენა.

3. საპროცესო შეთანხმებით მოთხოვნილია:

ვაჟა ქამადაძე, ცნობილი იქნეს დამნაშავედ საქართველოს სისხლის სამართლის კოდექსის 303-ე მუხლის პირველი ნაწილით გათვალისწინებული დანაშაულის ჩადენაში და საქართველოს სისხლის სამართლის კოდექსის 55-ე მუხლის საფუძველზე ძირითადი სასჯელის სახედ და ზომად განესაზღვროს საზოგადოებისათვის სასარგებლო შრომა 200 საათის ვადით.

4. მტკიცებულებათა ერთობლიობა:

ინფორმაცია შესაძლო დანაშაულის შესახებ, გარემოსდაცვითი ზედამხედველობის დეპარტამენტის აჭარისა და გურიის რეგიონალური სამმართველოდან მიღებული მასალები, გარემოზე მიყენებული ზიანის გაანგარიშება, მოწმეების:აკაკი კომახიძე, ნუკრი თურმანიძის, მერაბ აბულაძის, მურმან ნათიძის, თემურ ირემადის გამოკითხვის ოქმები; შემთხვევის ადგილის დათვალიერების ოქმი თანდართული ფოტომასალით, საგამოძიებო ექსპერიმენტის ოქმი თანდართული ფოტომასალით, და საქმეში არსებული სხვა ფაქტებისა და ინფორმაციათა ერთობლიობა.

5. საპროცესო ნორმათა დაცულობა:

- საპროცესო შეთანხმება კანონით დადგენილი წესით წინასწარ იქნა შეთანხმებული ზემდგომ პროკურორთან.

სასამართლო, საპროცესო შეთანხმების დამტკიცებამდე დარწმუნდა, რომ:

- საპროცესო შეთანხმება დადებულია წამების, არაადამიანური ან დამამცირებელი მოპყრობის ან სხვაგვარი ძალადობის, დაშინების, მოტყუების ან რაიმე უკანონო დაპირების გარეშე;

- საპროცესო შეთანხმება ნებაყოფლობით არის დადებული და ბრალდებული ნებაყოფლობით აღიარებს ბრალს;

ბრალდებული სრულად აცნობიერებს საპროცესო შეთანხმების, მათ შორის, ნასამართლობის, სამართლებრივ შედეგებს;

- ბრალდებულს ჰქონდა კვალიფიციური იურიდიული დახმარების მიღების შესაძლებლობა;

- ბრალდებული სრულად აცნობიერებს იმ დანაშაულის ხასიათს, რომლის ჩადენაშიც მას ბრალი ედება და იმ დანაშაულისათვის გათვალისწინებულ სასჯელს, რომლის ჩადენასაც ის აღიარებს;

- ბრალდებულისათვის ცნობილია საპროცესო შეთანხმებასთან დაკავშირებული, კანონით გათვალისწინებული ყველა მოთხოვნა ბრალის აღიარების შესახებ;

- ბრალდებული აცნობიერებს, რომ, თუ სასამართლომ არ დაამტკიცა საპროცესო შეთანხმება, დაუშვებელია მომავალში მის წინააღმდეგ გამოყენებულ იქნეს ნებისმიერი ინფორმაცია, რომელსაც იგი საპროცესო შეთანხმების განხილვისას სასამართლოს მიაწვდის.

6. ბრალდებული აცნობიერებს, რომ:

- მას აქვს დაცვის უფლება;

- საპროცესო შეთანხმებაზე უარის თქმის უფლება;

- სასამართლოს მიერ მისი საქმის არსებითი განხილვის უფლება;

გარდა აღნიშნულისა ბრალდებული ეთანხმება ბრალის აღიარების შესახებ საპროცესო შეთანხმების ფაქტობრივ საფუძველს. საპროცესო შეთანხმებაში ბრალდებულსა და

პროკურორის შორის მიღწეული შეთანხმების ყველა პირობაა ასახული. ბრალდებული და მისი ადვოკატი სრულად იცნობენ საქმის მასალებს.

მოსამართლის მიერ ბრალდებულს განემარტა, რომ მის მიერ წამების, არაადამიანური ან დამამცირებელი მოპყრობის ფაქტზე საჩივრის შეტანა ხელს არ შეუშლის კანონის დაცვით დადებული საპროცესო შეთანხმების დამტკიცებას.

სასამართლო, საქმის მასალებისა და ბრალდებულის მიერ ბრალის აღიარების საფუძველზე მიიჩნევს, რომ სისხლის სამართლის საპროცესო კოდექსის მე-3 მუხლის 11¹ ნაწილით გათვალისწინებული საქმის არსებითი განხილვის გარეშე განაჩენის გამოსატანად წარმოდგენილია საკმარისი მტკიცებულებები. ასევე სსსკ-ის 212-ე მუხლის მე-2 ნაწილით გათვალისწინებულ გარემოებებზე მიიღო დამარწმუნებელი პასუხები, ბრალდება დასაბუთებულია და საქმის არსებითი განხილვის გარეშე განაჩენის გამოტანის თაობაზე პროკურორის შუამდგომლობაში მითითებული სასჯელი კანონიერი და სამართლიანია.

ზემოაღნიშნულის გათვალისწინებით სასამართლოს მიაჩნია, რომ უნდა დაკმაყოფილდეს ხელვაჩაურის რაიონული პროკურატურის პროკურორის რომან ბოლქვაძის შუამდგომლობა, საპროცესო შეთანხმების დამტკიცების შესახებ.

7. სამართლებრივი შეფასება:

ვაჟა ქამადაძემ, მის მიერ განხორციელებული მართლსაწინააღმდეგო და ბრალეული ქმედებით ჩაიდინა ხე-ბუჩქნარის უკანონოდ გაჩეხვა, რამაც გამოიწვია მნიშვნელოვანი ზიანი, დანაშაული, რაც გათვალისწინებულია საქართველოს სსკ-ის 303-ე მუხლის პირველი ნაწილით.

სარეზოლუციო ნაწილი:

სასამართლომ იხელმძღვანელა საქართველოს სსსკ-ის 212-ე, 213-ე, 215-ე, 216-ე, 255-ე და 277-ე მუხლებით

და ა ა დ გ ი ნ ა:

1. ხელვაჩაურის რაიონული პროკურატურის პროკურორის ბუბა შავერდოვის შუამდგომლობა დაკმაყოფილდეს.

2. მხარეთა შორის დამტკიცდეს საპროცესო შეთანხმება.

3. ვაჟა ქამადაძე ცნობილი იქნეს დამნაშავედ საქართველოს სისხლის სამართლის კოდექსის 303-ე მუხლის პირველი ნაწილით გათვალისწინებული დანაშაულის ჩადენაში და საქართველოს სისხლის სამართლის კოდექსის 55-ე მუხლის საფუძველზე ძირითადი სასჯელის სახედ და ზომად განესაზღვროს საზოგადოებისათვის სასარგებლო შრომა 200 (ორასი) საათის ვადით.

ხულოს მუნიციპალიტეტის სოფელ გუდასახოში დასაწყობებული ხე-ტყე 8 ერთეული მორი - უსასყიდლოდ გადაეცეს სახელმწიფოს.

4. განაჩენი აღსასრულებლად გადაეგზავნოს პრობაციის ბიუროს მსჯავრდებულის საცხოვრებელი ადგილის მიხედვით.

5. საქართველოს სსსკ 215-ე მუხლით გათვალისწინებულ შემთხვევებში

მსჯავრდებულს განაჩენის გამოტანიდან 15 დღის ვადაში უფლება აქვს გაასაჩივროს განაჩენი ხელვაჩაურის რაიონული სასამართლოს მეშვეობით, ქუთაისის სააპელაციო სასამართლოს სისხლის სამართლის საქმეთა პალატაში თუ საპროცესო შეთანხმება დაიდო იძულებით, მუქარით, ძალადობით, დაშინებით ან მოტყუებით, ბრალდებულს შეეზღუდა დაცვის უფლება; საპროცესო შეთანხმება ისე დაიდო, რომ არ არსებობდა სისხლის სამართლის საპროცესო კოდექსის მე-3 მუხლის 11¹ ნაწილით გათვალისწინებული საქმის არსებითი განხილვის გარეშე განაჩენის გამოსატანად საკმარისი მტკიცებულებები, საქმის განმხილველმა სასამართლომ უფლებებელო საქართველოს სისხლის სამართლის კოდექსითა და საქართველოს სსსკ-ის XXI-ე თავით გათვალისწინებული არსებითი მოთხოვნები. თუ მსჯავრდებულმა დაარღვია საპროცესო შეთანხმებაში არსებული პირობა, დარღვევის გამოვლენიდან ერთი თვის ვადაში პროკურორი უფლებამოსილია ზემდგომ სასამართლო ინსტანციაში წარადგინოს საჩივარი საპროცესო შეთანხმების დამტკიცების შესახებ სასამართლოს განაჩენის გაუქმების თაობაზე.

6. განაჩენის გადასინჯვა დასაშვებია საერთო წესით ახლად გამოვლენილ გარემოებათა გამო.

7. განაჩენი კანონიერ ძალაში შედის გამოცხადების მომენტიდან.

მოსამართლე





გ ა ნ კ ა რ გ უ ლ ე ბ ა განაჩენის აღსასრულებლად მიქცევის შესახებ

22.12.2023 წელი

ქ.ბათუმი

ხელვაჩაურის რაიონული სასამართლოს 2023 წლის 22 დეკემბრის განაჩენით ბრალდებული ვაჟა ქამადაძე ცნობილი იქნეს დამნაშავედ საქართველოს სისხლის სამართლის კოდექსის 303-ე მუხლის პირველი ნაწილით გათვალისწინებული დანაშაულის ჩადენაში და საქართველოს სისხლის სამართლის კოდექსის 55-ე მუხლის საფუძველზე ძირითადი სასჯელის სახედ და ზომად განესაზღვროს საზოგადოებისათვის სასარგებლო შრომა 200 (ორასი) საათის ვადით.

ხულოს მუნიციპალიტეტის სოფელ გუდასახოში დასაწყობებული ხე-ტყე 8 ერთეული მორი - უსასყიდლოდ გადაეცეს სახელმწიფოს.

განაჩენი აღსასრულებლად გადაეგზავნოს პრობაციის ბიუროს მსჯავრდებულის საცხოვრებელი ადგილის მიხედვით.

განაჩენი ექვემდებარება დაუყოვნებლივ აღსრულებას;

განაჩენის აღსრულების შესახებ დაუყოვნებლივ ეცნობოს ხელვაჩაურის რაიონული სასამართლოს;

მოსამართლე:

გოჩა ფუტყარაძე
ასლი დედანთან სწორია
ხელვაჩაურის რაიონული სასამართლო
ხელმოწერა: